

Script of Morning Gojri News Bulletin 11 October 2024 at 1015Hrs

ما رڙنگ گو جری نیو ز بلیٹن مو رخہ 11 اکتوبر 2024

یوہ آکا شوانی جموں ہے محبوب سلطانی تیں خبر سُنو۔

DC Jammu Dengue

ڈپٹی کمشنر سچن کمار ویشے نے پچھلے تہاڑے اک میٹنگ غی صدارت کر غے ضلع مانہہ ڈینگو غی بیماری گا روک تھام با رے چایا گیا اقدام غو جائزو لیو۔ اس موقعہ ور ڈی سی موصوف نے اس گل غی اہمیت ور زور پاتاں واں کہیو کہ ڈینگو آلی جگہاں غی پشان کی جائے تے نال ہی نال اطلاعات، تعلیم تے بکھ بکھ میڈیا ذرائع غے تحت بیداری عام کی جائے۔ اُنہاں نے ڈینگو غا معاملن با رے علاج و معالجہ غی گل بات وی کی۔ اس ضمن مانہہ متعلقہ افسران نے ڈی سی موصوف نانہہ جانکا ری دیتاں واں دسیو جے کہہ کہہ جا گے ڈینگو غا معاملن غی پشان کی جا رہی ہے تے تقریباً ٻن توڑی اک لکھ کہراں غو دورو لایو گیو ہے۔ اس سلسلہ مانہہ نجی ہسپتال تے لائبریری آلاں نانہہ ہدایت دتی گئی جے ان معاملن ور نزدیکی نظر رکھیں تے ڈینگو غو معاملو باندے آن ور ضلع انتظامیہ نانہہ اس با رے جانکا ری فراہم کریں۔ ڈی سی موصوف نے لوکاں توں اپیل وی کی ہے جے اگر اُنہاں نے ڈینگو غی بیماری با رے علامت ظاہر وے تاں فوری طور ور ہسپتال غو دورو کریں تے اس ضمن مانہہ لوکاں نانہہ آپے دوائی لین توں گریز کرن با رے وی کہیو گیو ہے۔

Defence

فوج غی 16 کو ر غا کمانڈینگ با رے جنرل افسر لیفٹنٹ جنرل نوین سچدیوا تے دہشت گردی مخالف رومیو فو رس غا جی او سی نے پچھلے تہاڑے راجو ری ضلع غا علاقہ ”دیرا غی گلی“ گودورو کیو۔ اس دوراہ غو مقصد علاقہ مانہہ حفاظتی صورتحال تے دہشت گردی مخالف کا روائی واسطے تیاریاں گو جائزو لینوتھو۔ اس موقعہ ور افسران نے فوجی دستاں غی طرفوں دہشت گردی مخالف کا روائیاں مانہہ لگن تے بے لوٹ خدمات غی سرانبا وی کی۔ اس تیں پہلاں بدھوار آلا تہاڑے لیفٹنٹ جنرل نوین سچدیوا نے گراسڈ سوارڈ ڈویژن غا کمانڈینگ با رے جنرل افسر غے ہمراہ اکھنور تے پلنوالہ غا اگلا علاقن غو دورو لا غے کا روائیاں با رے تیاریاں غو جائزو لیو تھو۔

LG Mahanavmi

پورا مُلک تے بیرون مُلک مانہہ اج مہا نو می غو تہاڑو منایو جا رہیو ہے۔ یوہ تہاڑو نو راترا تہوار غا 9 ویں تہاڑے منایو جائے۔ اس ضمن مانہہ لیفٹنٹ گو رنر منوج سنہا نے لوکاں نانہہ دُرگا پوجا غا موقعہ ور مبارکباد دتی ہے۔ اپنا اک پیغام مانہہ جناب سنہا نے کہیو جے دُرگا پوجا غا اس مبارک تہاڑا ور بون تمام لوکاں نانہہ مبارکباد دیوں۔ تے نال ہی نال نیک خواہشات غو اظہار کریں۔ اُنگان

صدرِ جمہو ریہ محترمہ دروپدی مرمو نے وی مُلک تے بیرون ملک مانہہ رہ ریبا لوکاں نانہہ مبارکباد دتی ہے۔ صدر جمہو ریہ غو یوہ وی کہنوتھو جے یوہ تہاڑو تما م مذہبیاں نانہہ سمجھن تے اک جُٹ رکھن با رے خاصو بابدو دے۔ واضع رہ جے نوراترا غو تہوار مانہہ اس تہاڑا غو اک اُچو مقام ہے۔ تے اس تہاڑے لوک اپنا 9 روزہ لمبو ورت توڑیں تے اس غے نال ہی اس تہوار غو یوہ آخری تہاڑو وے۔

DDC Kishtwar

ضلع ترقیاتی کمشنر کشتواڑ راجیش کمار شوں نے پچھلے تہاڑے اک مہینہ وار میٹنگ غی صدارت کر غے ضلع مانہہ جل جیون مشن غا نفاذ غو جائزو لیو۔ اس میٹنگ غو مقصد ضلع مانہہ چل ریبا بکھ بکھ پانی سپلائی پروجیکٹاں ور بوئی پیش رفت غو جائزو لینو تھو۔ اس موقعہ و ر جناب راجیش کمار نے اہم اسکیمیاں ور بوئی پیش رفت تے خصوصی طو ر ور جنہاں پروجیکٹاں نانہہ اک مہینہ غے اندر مکمل کرنوتھو غی تفصیلی جانکا ری حاصل کی۔ اس دوران اُنہاں نے سست رفتار سنگ چل ریبا کماں ور تشویش غو اظہا ر کیو تے متعلقہ ایجنسیاں نانہہ بدائیت دتی جے ویں چل ریبا پروجیکٹاں غا کم کاج مانہہ تیزی لیاویں تے اِنہاں نانہہ ویلا سر پورو کریں۔

DC Rajouri

ڈپٹی کمشنر راجوری ابھشیک شرما نے پچھلے تہاڑے راجو ری، تھنہ منڈی، سرنکوٹ سڑک پروجیکٹ ور پیش آن آلا معاملن غا حل با رے اک میٹنگ غی صدارت کی۔ اس میٹنگ غے دوران ڈی سی موصوف نے اس گل ور زور پاتاں واں کہیو جے تمام معاملن نانہہ تا ولاں توں تا ولاں حل کیو جانو چاہیے تے خصوصی طو ر ور بسپلوت تے اتی غا مقام ور ڈھانچہ غو جائزو لیو جانو چاہیے۔ اس دوران یوہ فیصلو لیو گیو جے اک سانجھا طو ر ور پشان کرن آلی کمیٹی غو قیام کیو جا ئے غو جس مانہہ عوامی کماں با رے محکمو پی ڈبلیوڈی پولیس تے میجسٹریٹ غا افسر ویں گا۔ اس کمیٹی غا تمام ہی ممبر اتی غا مقام غو دورو کریں گا۔ جس غو مقصد اُت قائم ڈھانچہ گا مکمل لینو ہے تے سڑک رستہ غی پشان کی جا ئے تا نجے اس پروجیکٹ غی پیش رفت مانہہ بابدو کیو جا سکے۔ اس میٹنگ مانہہ تمام ہی شراکت داراں نے اس گل غی یقین دہانی کروائی جے وے سانجھا طو ر اس پروجیکٹ غی پیش رفت با رے کم کریں تا نجے خطہ غی معاشی ترقی نانہہ موثر بنايو جا سکے۔

DC Reasi

ضلع ترقیاتی کمشنر ریبا سی وشیش مہاجن نے پچھلے تہاڑے ضلع سطحی جائزہ کمیٹی غی اک میٹنگ طلب کر غے ضلع کریڈیٹ سکیم غے تحت بینکاں غا شعبہ مانہہ حاصل کیا گیا بدف با رے تفصیلی گل با ت کی۔ اس موقعہ ور اُنہاں نے اس گل ور زور پایو جے بینکاں نانہہ دور دراز علا قاں

بشمول ٹھاکرہ کوٹ، مہور تے دوجاں مانہہ وی اپنا مرکز غو قیام کریں تے نال ہی نال سرکاری محکماں غی شراکت داری سنگ متاتوں متا کیمپاں غو وی انعقاد کریں تا نجے مالی شمولیت مانہہ بابدو دتو جا سکے۔ جناب مہاجن نے تمام بینکاں مانہہ کہیو جے ویں نکا قرضہ مانہہ حوصلہ افزائی واسطے تے خاص طور ذراعت، تعلیم تے روزگار غا شعبہ مانہہ موثر اقدام کریں تانجے لوکاں مانہہ بکھ بکھ سکیمان غو فائدو پجایو جا سکے۔ انہاں نے ذراعت غی حکام تے بکھ بکھ بینکاں مانہہ کہیو جے وے پردھان منتری فصل بیما یوجنا غے سانجھا طور نفاذ مانہہ یقینی بناویں تانجے کساناں مانہہ مالی تحفظ فراہم کیو جا سکے۔

Basohli Utsav

سالانہ بسوبلی اُتسو پچھلا تہاڑے توں جو ش و خروش سنگ شروع ہو گیو ہے۔ جس مانہہ خطہ غی متحرک ثقافتی ورثہ غی نمائش پیش کی جائے۔ اس میلہ غے پہلے تہاڑے مانہہ رنگا رنگ ثقافتی کارکردگی سنگ منایو گیو جس نے دیکھن آلاں مانہہ خاصو لطف اندوز کیو۔ پرنسپل سیکریٹری برائے ثقافت سریش گپتا نے اس تقریب غا افتتاح توں بعد اس گل ور زور پاتاں واں کہیو جے بسوبلی اُتسو بسوبلی تا ریخ غی شان مانہہ بحال کرن تے محفوظ کرن واسطے اک کوشش غی نمائندگی کرے۔

اس غے نال ہی خبراں غو یوہ بلیٹن ختم ہوؤ۔

News Read by:-Mahboob Sultani

News Editor:- Mohd Mustkeem Baig

DEO:- Alam Khan

Skilled:- Rajat Paul